

四庫全書

集部

欽定四庫全書

集部  
伐檀齋集卷一至三

詳校官監察御史<sub>臣</sub>陳化龍

侍讀<sub>臣</sub>孫球覆勘

總校官進士<sub>臣</sub>朱鈐

校對官中書<sub>臣</sub>高 中

謄錄監生<sub>臣</sub>祕鍾塘

欽定四庫全書

集部六

伐檀齋集

別集類五

明

提要

臣等謹案伐檀齋集十二卷明張元凱撰元

凱字左虞吳縣人以世職為蘇州衛指揮再

督漕北上自免歸少受毛氏詩折節讀書寄

情詩酒王世貞常序其詩比之於沈慶之曹

景宗及元凱歿後世貞曝書得其行卷自歎

知之未盡復作詩以酌之今並載四部稿中  
其詩大抵推陳出新不襲窠臼而風骨遒上  
伉壯自喜每淵淵有金石聲所作西苑宮詞  
靜志居詩話謂其高出世貞之上他如北游  
諸律亦多不失矩矱蓋其才華本富又脫屣  
名利胸次曠夷故當瑯琊厯下之派盛行而  
能不囿于風氣宜世貞之心折不置矣乾隆  
四十六年四月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

提要

伐檀齋集原序

余所善張將軍居平呐呐若不出口而其勒悍卒挽強  
弩躍馬顧盼有憑陵廣武意至於命親知浮大白鯨吸  
牛飲飛不及停居然高陽酒人也酒後耳熱慷慨談說  
天下事或意有所不可白眼罵坐皆稍稍避去其人當  
不能為詩即為詩而得一二易水語髮立骨飛以附於  
燕趙之後止矣顧其所讀書必西京後而開元前其於  
格務躋於武德貞觀而稍稍柔之以齊梁之月露其語

務出於不經人道寧有瑕璧而無完珷玦此語之在天  
地人人能得之然亦人人耳相剽若太倉陳陳相因矣  
汰而使之精創而使之新非有沈深劇刻之思未易致  
也今舉其所謂精者新者不以歸他人而歸之張將軍  
然乎否也嗟夫士固不可皮相也吾居恒怪夫脫胄珥  
貂者例不能為文語即有之而若沈始興之授口曹竟  
陵之險步偶然之所發亦喻藝幸中耳前僅一孟德後  
僅一處道光彩琅琅戈戟間若盤龍之正始風流不旋



踵而以文敗矣。今天下幸承平無事故，張將軍不治兵而得以其間治詩，第僅能以一詩人名。張將軍而所謂勒悍挽強，顧盼憑陵之態，斂之乎伊吾囁嚅之地而已矣。然使張將軍而以一詩人名於天下，後世彼固甘之何者？彼睥睨於其僚舍而數從余於東海上，不以余之侘傺齷齪而有倦心意者，其有真嗜也。將軍名元凱，嘗督運為千艘，帥再掌衛篆。詩凡十二卷，名之曰伐檀集。蓋以其齋故云。萬曆戊寅歲長至日，弇州山人王世貞。

元美撰

欽定四庫全書

伐檀齋集卷一

明 張元凱 撰

五言古詩

雜詩二十首

時序有代謝晦朔若循環靈景歟以馳六龍杳難攀舜  
華曜曦林蜉蝣息夕霏流連感人思履世云孔艱菌芝  
想霞外孔翠悲籠間棲遯託素業韜精保朱顏迅彼雲

螭駕遲爾冥鴻還長揖當塗客去矣歸空山

閭闔有高樓巖巖臨萬雉財賦五都雄聲利三川侈千  
花含碧城九衢迴綠水拂雲韶護音照地明光綺我世  
授一塵蓬蒿吳趨里閉戶歲月深涼風日夕起馳光娛  
樂散幻景繁華徙至哉物外遊超然忘所履

大運若轉轂鴻鈞回化光窮達須有命順時以行藏君  
子或豹變大人或龍翔誰為鼓其機所過神無方南箕  
下人間帝命弼有商何知肖形者宛在版築傍濟旱需

霖雨調元攝陰陽乃識宇宙事固吾分所當

吾友好名士居然抱明哲碩人賦考槃圭組良不屑朝  
刈中原葵暮采西山蕨陟嶺高雲旋濯水空潭澈白壁  
不可為寧以青蠅缺皎皎機上絲豈同緇塵涅獨有孤  
松樹蒼姿照白雪異彼夭桃花甘以色取悅

毀譽不可校榮賴安能期飄風逐浮雲恍惚萬象移頭  
白失塞馬衣文附靈犧不為智者慮則為達士嗤名勲  
蓋一世世改人不知區區千金子徒戒垂堂為矧乃草

莽間暫借鷦鷯枝得酒儘舒嘯短鬢春風吹

天上白玉虹延袤十萬里昭回下紫冥飛來跨瑤水仙  
人挾之遊飄飄靡所止祖騫尋河源浮槎適孔邇長揖  
銀漢間相遺赤虬履乃飾雙明珠加緣五色綺提携未  
輕著納令授孫子千載俟風雲一附鸞鶴起

英雄樹大業端倪莫可循出處更險夷變化驅鬼神釋  
耒有莘野投竿渭水濱潛龍豈久淹躍淵始見鱗落落  
屠與釣相繼擁朱輪尺蠖具至理其屈求以伸蠟蒙能

飛揚靈貴矧乃人大禹惜寸晷分陰當自珍

楚人云千金不如布一諾由也以片言折獄良不錯忠  
諒在人耳隱然聞諤諤對談恒借軀萬乘遺如屬所以  
國諸侯不負布衣約意氣吐白虹千尋走寥廓今人徒  
囁囁此道委溝壑仲連寧蹈海豈獨秦風薄

涼風起昨夜大火忽西移蟋蟀啼近牀流螢飛入帷白  
髮竟盈把丹砂尚無期朝散陸賈金暮披張衡詩四愁  
鬱不開萬金亦奚為歎息竟無語俛視川波馳孤懷易

成感失路多所疑朝緋猶可典日日傾芳卮

屏居臥南岡策杖遵行葦涼風吹絺衣澄江澹生朏縱  
睇秋旻高雲英何韡韡感時鳴蟋蟀閱世遺葑菲鶴豈  
願乘軒龜且聊曳尾侘傺辭帝閣偃蹇伴山鬼龐公荷  
耒耜君平謝筐篚白首抱明德斯人豈不偉

玄霜凋碧草熙陽媚紅芳地道順天施不違物理常蛾  
眉對尊酒螭首臨鏡光綠樹棲鸞鷺綠波蕩鴛鴦榮華  
銷逝景娛樂安久長南山孤生栢結根丹崖傍貞幹回



造化葉葉生馨香願借黃鵠翼與之同頡頏

朝為清廟詩暮作明堂賦賦剪秋空雲詩濯錦江露織  
成文綺霞挂在珊瑚樹聲價比南金光耀掩大璐緘之  
贈所知無媒得君路從茲失顏色颯如枯蓬暮遂令棄  
中衢咄嗟誰復顧楊意若可逢薄言一往愬

仙人住何許迢迢白玉京弱水懸碧海赤城凌太清昨  
遇壺中公引我接容成倒著蒼鳬舄橫吹紫鸞笙泠然  
飲一勺丹液融金莖手拈贈三花回車下蓬瀛歸來見

鄉井偏促還自驚招邀向時鶴跨躡遊八紘

灼灼芙蓉花開在秋江側彷彿臨鏡妝嫣然好顏色美  
人日暮來褰裳嬌無力甫來聊自佩再來還自匿欲以  
寄遠人明我長相憶浮雲天外馳長江限南北搔首無  
一語仰看雙飛翼跼蹐怯獨歸烟水微茫黑

結髮慕遐躡息駕懷幽奇去來山林客寤寐濠梁期岸  
沙皓明滅陂岡鬱參差坐弄霞上月載采巖下葵野酌  
草昧中素襟松風披蹈海魯仲連逃山介子推遺榮終

自愛任智亦何為向來冥寂意唯有孤雲知

有士客長安三冬有旨蓄射策苦不收歸來臥空谷對  
我長歔歔悲風生林木未得平津延已見咸陽逐一言  
足取相奚必三千牘無歌可指鳳有賦元因鵬徬徨亦  
何為唯共窮途哭展也詩人言款款方有穀

雨散無聚時河奔無還流歲月不我與逝矣難再留隙  
駒真促景富貴焉可求欲追凌風翮雲中無輕舟衛霍  
甫青鬢功業等山丘廣也七十戰白首不得侯成固由

天幸敗亦匪人謀嗟嗟惜日短祇為達士羞

吾祖產濠梁偶成風雲會潛壑攀飛龍薄海生霖霈底  
定錫大封驃騎功居最桓桓鎮南國天子賜旌旆祇受  
不世賞山河元礪帶本從代邸功汗馬同豐沛瓜瓞延  
秦吳兩地濫冠蓋筑筑余小子歲月微祿賴

東海有佳人矯矯雲中姿回翔自千仞翻然斯來儀光  
彩照四極聲華馳九夷鳳凰世希有衆人乃見疑歸巢  
弇山顛孤踪蓬瀛期曰余久沉冥附翼驚以嬉遺我綠

綺琴飲我白玉卮酒良取醉琴調罕所知

冥鵠恥淹棲良駟喜超軼出門聊顧盼歲月真如失春  
陽麗其暉秋霜淒以瑟俯仰二十年浮沈如一日貞士  
黃口讒淑女蛾眉嫉甫動季鷹思再被展禽黜苔繡芙  
蓉匣雀羅蓬蒿室所有金僕姑已換銀不律

覽古詩十首

弱冠厭經學夙抱四方志慷慨少年場游談古人事列  
國稱豪雄翩翩公子四竝負絕世資矧藉王公位而何

多窮交不棄抱關吏攬轡驕顧盼抱劔同寢寐籌畫總  
若神肝膽良可視踴躍赴人急湯火敢言避斯人忽千  
秋末由一附驥結客固有心食貧乃憔悴

邯鄲得和璧居然啓秦釁宦者薦舍人持獻蹈白刃却  
立竟不前睨柱久不瞬彼負連城約我以空手進明月  
藏在懷飄風歸何迅峭函百萬師敢奪匹夫信始著章  
臺名終善漚池傭鼓瑟不能辭擊甌強相引一人氣奮  
揚一國威自振犬子成都生天心良慕蘭

主罕能知人士實感知已所以古豫讓報仇良不止一  
入塗廁中再出隱橋浹漆身若被繡吞炭若饗簋大義  
激其仇仇衣惠然褫所為雖極難所志在必死死者已  
無後死亦何為爾烈士固有心存乎上所使儻彼筮仕  
初即遇以國士將報智伯者而報中行氏

秦人謀席卷六國俱吞聲季子起閭閻鼓舌能傾城揣  
摩天下事了若指掌明連親從自合投隙離其衡廿載  
函谷關晏然無甲兵計畫良亦偉權變業已行惜哉侈

金多所至令人輕卒被反間死夙昔空營營不肯帝秦  
者齊有魯先生功成不受賞千載多令名

九月旅燕京清霜飛馬鞍偶與酒人遊因思太子丹屢  
避田生席日奉荆卿餐縞衣送將遠變徵聲無歡委肉  
餓虎蹊燎毛洪爐端吁嗟徐夫人不落秦王冠遂令易  
水上千古悲風寒先朝欲報仇臨菑終見殘今日圖雪  
恥智慮亦已殫強暴適天幸壯士摧心肝

達節聖所貴止足愚罔圖歷觀功名士貧乘摧中途獨



慕文成侯始終與道俱沛中殆天授圯上非神乎扶漢  
漢已王仇秦秦已無白首未言邁赤松以為徒於此猶  
人間忍見良弓枯晚歲招四皓羽翼聊代吾出處何從  
容千載稱為儒西京誰繼躅賢哉二大夫

大樸日已滴小智恒自伐漢廷功名士石奮能超越醇  
謹本少文中涓受書謁洵美一家讓萬石供歲月建歸  
入子舍忘已垂白髮慶誤坐車中乃甘肉袒罰馬尾數  
何勤中帑澣無歇抱拙竟奚為履道固有缺眷焉簡帝

心尊寵獨昭揭功高信越輩驕矜中道蹶

漢家擊匈奴調發不停軌戰骨寘顏山流血疏勒水度  
幕愁單于秦凱喜天子茅土錫有功丹書曜連璽獨惜  
飛將軍無能建尺咫白首失期會塞下飲恨死遺腹有  
門風吁嗟轅戎壘軍敗鼓不鳴空拳何能耳期展曹柯  
盟竟作莫敖祀彼蒼良不仁祖孫厄如此

古之飲者流沉冥自夷曠邁迹隘區中逸情出雲上如  
何灌仲孺罵坐日怏怏丞相生貴甚杯酒深責望魏其

失勢人安能保無恙塊壘澆不開潁水翻濁浪嗟嗟老  
禿翁舉止竟踉蹌我亦事麴蘖尚論獨惆悵達生貴忘  
機韜精齊得喪願從竹林遊頽然且酣暢

生長夫差城里有翁子宅翁子少也賤落魄無推擇長  
鑱持且負短歌行自適骨肉棄中塗遑遑欲頭白將軍  
西入關富貴頗相迫微露會稽印驚散守邸客衣繡歸  
故鄉顏色非疇昔有司所治道是常賣薪陌乃知被褐  
人恒自懷和璧賢豪在人間豈以困窮厄

雜擬詩六首

少小結游俠長大慕豪英六郡已脫籍三輔乃有聲藏  
活以百數脫死常獨行風沙撲馬首關月候雞鳴將軍  
言郭解公子拜侯嬴彼非有一命權可當專城所以奇  
節士慷慨說捐生大笑東家兒殺人隱姓名

東都多妖麗住近春明門單車來使客駟馬回王孫妝  
成耀皎日結佩鳴瑤璫舉止有飛態流目無定源金尊  
浸圓月綺被繡雙鴛色笑延新寵肝膽懷舊恩團扇總

含悲前魚羞自言容華易零落撫枕憂心煩

有客住吳國贈我以莫耶提攜未出匣隨手生霜花或  
恐是神物吞吐虹光斜不惜黃金裛橫在白鼻騮邊烽  
昨夜至飛符度流沙秋月照長城邊騎紛如麻按劍左  
右盼目已無渾邪丈夫為天下安能復顧家

去年秋未半良人去庭闈今年秋欲盡關塞音書稀塵  
生在御瑟苔綠當窓機涼風動靡蕪陰陰吹羅帷白雲  
疾飛來掩我明月暉空房怯不進獨坐長歎歔縣家羽

檄至沙場新解圍但求免鋒鏑何敢望旋歸

有士臥蓬蒿悽愴恒鮮歡飢烏噪簷側哀猿號樹端玄  
雲被旭日下土流光寒昨夜嚴霜飛林中木葉乾凋彼  
蕭與藿曷以供朝餐苟無鄧通錢莫彈貢禹冠鍛羽如  
棲雞努力空伐檀一經令人老豎儒安足歎

海深猶可測河廣猶可憑狂夫如飄風心志莫可懲結  
髮明信誓中道忽侵凌葑菲槩爾遺荼蓼茹誰憎新寵  
良自固故歡難再仍涼飈起霜夕隕葉何稜稜羞以孤

惟寒坐見圓月升三復白華詩傷哉人無恒

春游篇二首

芬芳藹京邑太和盈宇宙如何愜賞心矧復值春候柔  
荑偃條風嘉樹鬱靈囿川上悅于飛山梁間朝雉輿臺  
被文綺女郎飄長袖車馬何怒鮮游閒日馳驟陳遵驅  
藩車爰絲通中葺願言綠酒醕無事黃金壽

晨出東都門曙旭散城闕春鶯巧如簧春草綠如髮韶  
歲當令辰丹葩耀林樾鳴鑣事遨遊萬里輕春越懷璧

照十乘珮珠懸明月無端有近親  
巨測通私謁琴瑟臨  
邛攜金錢館陶發今時不娛樂  
容華坐消歇

### 苦熱詩四首

壬申之役河決不進栖泊彭城之下維時蘊隆  
舟居甑爍莫可解脫乃思古之賢達不受炎歊  
者而系以詩又徵阮嗣宗詠懷句而弁諸首亦  
猶執熱者之思濯乎何來清風生我腋下懸知  
簪筆可當  
搖扇矣

炎暑惟茲夏我思鹿門叟脫屣疏流泉不櫛開山牖陰  
陰樹成幄習習風生肘與婦竝荷鋤所耕亦計口解衣



憩南岡相饁持斗酒曲肱聽鳴蟬  
初月升高柳地豈避秦來身非為  
漢有揮汗自成漿彈冠與結綬

炎暑惟茲夏我思富春瀨空山無  
結構高樹儼傾盖匡坐理釣絲澄  
江流夕靄纖鱗或浮沉漪藻迴如  
帶浚谷歸白雲高天零沆瀣煩慮  
息區中定靈想霞外五月披羊裘  
亢陽生爽籟寄語謝故人軒冕安  
足賴

炎暑惟茲夏我思竹林士岸幘綠  
雲浮拂袖寒商起層陰下遙岑朱  
曦逝清沚設禮豈為吾迂俗元忘  
爾深杯

映明月素琴澹流水冥寂契無為沈酣良有以歌鳳睨  
當途猶龍伏柱史曠哉茲數賢芳聲共千祀

炎暑惟茲夏我思東山墅高臺凌飛霞華館蔭修渚坐  
隱澹忘歸談玄自容與玉樹垂盈庭幽蘭被孤嶼翩翩  
曳輕綃臨風欲仙舉更倚如花妓含笑進綠醕涼颼生  
高梧靈鳳斯爰處願言終遠志浮雲任來去

雜詠十首

余生草莽放曠形骸世及戎官數奇踰躄心固  
學農圃而事漁獵矣癸酉秋日偶閱儲光羲之

雜詠而稍為效顰。記迹雖殊，莫非林藪。係名不同，爾道遂乃若磬折於當塗，而自嬰於時網者。吾安能置之齒頰云乎哉。

### 漁父

溪橋轉山徑，湖水碧於苔。  
漁舟柳陰下，舉網得四腮。  
樵薪猶未至，新醅業已開。  
團圞坐妻孥，不簪亦不鞵。  
欲要采菱人，西風吹船回。  
款款蘆葉響，月上潮正來。  
波濤非云險，夢寐良不乖。  
向逢楚大夫，言言傷我懷。

### 樵父

偃樹春不起繁條秋彌叢長鏡入空谷歷歷推枯蓬形  
骸肖山鬼趨捷輕狙公玄熊夕相避猛虎晝不逢素履  
往無咎險阻窮能通有時不歸來高臥山之東積薪擬  
待價沽酒明月中桎梏軒冕者終焉媿此翁

學稼

滋蘭徒佩芳種菊徒采英饘粥苟不繼不如學躬耕荷  
鋤出東臯布穀方有聲好雨以時至春水昨夜生井井  
畝畝界油油禾黍平吾志在一飽匪冀倉箱盈南陽遲

諸葛谷口尋子真翻嫌沮溺輩後世知其名

學圃

芍藥恣歡譁桃李競光華  
吾本葵藿士棄之等塵沙  
負郭開三徑言樹桑與麻  
兼之藝蔬韭春雨生萌芽  
接竹引寒泉雜草驅鳴蛙  
遶畦白水流傍屋青山斜  
濁酒聊自慰勞力何須嗟  
終作灌園人且賣故侯瓜

估客

積富匪用拙良賈久居奇  
或遺戎王利或挾寡婦貲  
艸

舸江湖間輜車都會馳居陶為朱公適齊為子皮但知  
素封貴不識縣官誰躡履明珠緣掄袂文穀垂行樂諒  
無盡金多任所之安能守窮巷季次原憲為

俠客

背公死黨客朱家郭解倫布衣相雄長閭里豈沉淪所  
至比敵國所謀類鬼神空室生青草半夜回朱輪走死  
地如驚藏活士匪親一諾成秦岱千金化纖塵權可移  
卿相貌不如中人猶聞俠骨香千年事若新

射雉

有鷺兩雉鳴彩彩好羽儀挾彈東鄰子潛睨如蹲鯉一  
發得其雄再發并其雌灑血平蕪間赳赳過水湄微物  
不充鼎憑高一揚眉結束馳前山射殺子母麋丈夫飛  
食肉肯飽藿與葵所志獵沙場好生亦何為

射虎

李廣不得志屏居藍田間大荒久塵埃猿臂日間閒高  
秋偶會獵白額藏草菅咆哮應弦倒單車負以還烹之

何斑斑  
卒史北平來為言兵入關天子思  
侑斗酒鞭也何斑斑  
飛將趣裒出南山此時灞陵尉已醒多愁顏

牧牛

春日喜載陽原隰綠草稠牧子驅其羣遲迴上高丘亂  
入苦竹岡降飲淺水洲相聚不相觸衆耳濕濕柔荑者  
潔可憐騎之前村游睡來吹蘆管飢則飯乾餒老牯道  
傍喘主人見且憂此是丞相責莫漫筆蒼頭

牧豕



公孫牧豕時種種已華顛偉身著短衣昂首持長鞭塗  
附困泥中白蹠涉菑田野烏饑萃止辨色俱尚玄窮年  
逐什一形穢莫可捐忽乘風雲會光華遍九天羣豕化  
神龍滂池變靈淵丈夫此身在何愁屯與遭

### 閨詞十二首

夫有女懷春思無涯  
漢士也問極詠豈二三賦  
長門而題團扇者如林矣  
維余落魄魄不散羈愁  
時際春融爰成閨什  
大都求凰異古別鶴非今  
榮悴興言離合生象匪直興到良由情至云爾

昨日書到家知君在天涯  
問妾近顏色為報如荷花  
君

若歸來易荷花露下媚君若歸來難荷花霜後殘

搗衣聲不亂搗衣情自深秋風一夕起閨中同此音妾  
搗君不聞天涯自有砧也應如妾搗為妾搗君心

去年折柳條送君木蘭橈今年折柳條淚盡萬里橋何  
時守故土雙栖學鷓鴣同見柳華盛同見柳葉凋

憶昔初嫁君明珠照綠雲今日君離別飛蓬亂不結忘  
我久食貧游趙復游秦秦人未逐客安能返鄉國

思君勞夢寐夢君歸故園儼然乘駟馬上繡雙鸛容

華異昔日冠蓋盈前軒覺來心獨喜起對高堂言

琴瑟昔在御莫不靜而好自君久別離房櫳生青草彈  
琴無知音調瑟多苦心絃繁曲亦亂月落花陰陰

臨別牽人衣紫騮門前嘶倏忽袂已分紫騮嘶不聞去  
去踏芳草相親在遠道坐歎容華妍不如紫騮好

挾彈羽林兒柳下睨黃鸝少婦倚高樓望見遙止之止  
之匪心惻毛羽純金色願言化為印提携夫君側

睡起攬絞綃無煩帶步搖不言花意靜顧影燕情嬌自

分力不禁恐負良人心功成拜邊郡何得雙雙臨

誰家采桑女妖豔妝何靚貪看鴛鴦飛立與桃花竝柔  
條多遠揚釣亂如鴉鬢傾筐棄道傍歸照匣中鏡

夫婿乍封侯尚爾玉關游欲繡一端錦寄耀千貔貅行  
褰池上柳芙蓉摘纖手顏色比不差銜在天吳口

皓魄不常圓一月圓一夕明夕倏已虧天道無停息人  
事徒可憐一虧不復圓娟娟芙蓉花棄置秋江邊

邊詞十二首

余既賦閨詞十二間出示客客曰婉媚哉子之言也子燕頤耶而何蛾眉之也余不能答乃為是邊詞以報客曰此本色語也子其如余何客於是撫掌而為之浮大白云時丁丑九月四日

大將屯雲中日見賊兵卻天子璽書至報功良不薄春

風楊柳營絲竹蓮花幕軍前上萬壽三舉黃金爵

結束良家子翩翩居帳下從軍不數年節鉞安可假耶

隨五校後單騎走朔野龍劍躍且鳴奪得追風馬

匈奴約和親邊烽晝不舉士卒漸忘戰軍中罷超距盤

跚弄嬰兒拍手學蠻語草間騎羝羊引弓射鳥鼠

秋風試鳴鏑忽見孤飛鴈一矢鍛其羽遙墮前山澗衆  
謂南來鳥足有帛書綰策馬往視之野火新燒棧

九月未授衣十月邊霜凜士卒夜苦寒獨抱雕戈寢欲  
訴霍嫖姚無奈生貴甚穿域正蹋踰陽春生獸錦

結髮在邊境姓名匈奴識大小七十戰身若凌空翼幕  
府功不報封侯無消息醉尉夜呵人道傍行不得

仗鉞出鴈門踴躍萬人靡為國敢顧家誓衆唯有死金  
鼓聲不譁旌旗色何起不繫五單于無顏見天子

調遣備邊兵尺寸守漢法蹠蹠桃花駒熠熠芙蓉匣夜  
夜憶閨人萬里夢魂洽夢中曳羅襦覺來寢金甲

冬暮兵犯塞調發羽書亟同雲覆積雪萬馬不辨色持  
糒一半冰落日方傳食從軍多少年安能頭常黑

馳驅事戎馬方略若神授所將固常選所當良無負已  
獲渾邪歸復斬居耆首尚方鑄金印竟挂誰之肘

久隸行伍間尚在偏裨下寒霜生鐵衣秋風勁弓弣執  
鞭乃吾分官辱何須訝衛青亦人奴敢遽辭答罵

遼海戍十年拜爵苦不早蒙昔卷征衣春風吹遠道少  
婦倚高樓王孫踏芳草祇恐見時顏不似別時好

伐檀齋集卷一



欽定四庫全書

伐檀齋集卷二

明 張元凱 撰

五言古詩

安履山房贈舅氏啓孫二首

黃鵠恣冥翮寒松挺貞幹縱爾寡諧合允為明哲歎舅  
氏甘隱淪幽栖抱璀璨冒枕白雲多隱几青山亂巖扉  
暮靄浮風樹空音散流坎任所止承鹿聊為伴不苦揚

雄吃而愛長卿慢原阡竭心力愚谷安昏旦翻嫌鹿門  
叟累彼妻孥爨

橫塘度單舸五湖淨如縞山障疑無路花曲潛通島主  
人墊角中有類郭有道簷間下塵榻盤中剝新棗夕照  
去庭柯片月流青昊千仞覽德輝昭回振遠抱尊酒不  
及亂玄言自論討道以沉寂超人與烟霞老置我丘壑  
間宛然似舅好

時命篇

崑崙鬱峻巔波瀾翻巨川吁嗟客遊子梯航俱不前  
白日忽淪沒清霜飛幽燕夏屋歎權輿幸舍悲遷延握玉  
竟難飽尺桂詎易然風前翫不掩雪上屨半穿欲仕無  
中人欲耕無良田營營聲利塗軒輊豪雄權誰念牛衣  
士涕泗雞埒邊仲尼道路傷伯夷空山顛貧賤豈盡愚  
富貴豈盡賢時命有順逆達節良自全

醉宿僧舍覺起言志

偶攜綠玉壺來借青蓮座桃花對命觴盡醉頽然臥春

雲夜不飛覆被為我衣殘月升高檐照見白板扉蕭然  
在僧舍起立雙樹下顧影獨徘徊萬感生清夜原生久  
懸鵜買臣行負薪嗟嗟江海客何蒙牖下塵人生貴適  
意富貴何時至投湘不可為乘桴非吾事吾已無黃金  
安用求知音楚狂接輿者庶幾獲我心

中秋四山詩

玄墓山

攀躋匪巉峭佳勝茲巖具偶偕良朋來不負探奇趣秋

遲冥鴻歸雲向潛虬護朗月升高天深林曷知暮五湖  
浩無際千峰儼欲赴漸辨澗底星遽失巖間霧波流縞  
練長光動金銀互縹緲生虛無樓臺已改故怵觀大海  
潮雪浪排空驚何必三神山仙人始回顧遺世鮮與徒  
孤踪應有遇曠哉古今心莫以榮名誤

銅井山

晨弭南湖棹暮蠟東山屐千級石磴遙半嶺行雲逆佛  
宮纔數椽僧厨少四壁井餘蛟龍腥階唯鳥獸迹崩奔

羣壑會居然走震澤皎月出層巖窈窕穿樹隙寥空澹  
而澄逾高光逾白一照析秋毫萬象呈圓魄浮嶼儼欲  
飛列宿如可摘巒竹多清音巢鵲無卑翮箕踞藉落葉  
長嘯振孤石茲夕登茲山彷彿藐姑射

虎山橋

憑眺凌崇峻周覽極浩渺日落出古寺秋旻見歸鳥石  
梁百尺橫蒼渚游龍矯兩崖崩欲墜五湖環且繞人家  
隔花源孤亭構木杪坐久待明月亭亭映翠篠既望升

較遲微虧光仍皎近浦何氤氲遠峰亦縹緲桓伊笛自  
幽范蠡舟偏小零露瀼瀼華明星漸以少何事杯行緩  
夷猶俟清曉溪山總含情宛然留謝朓

靈巖寺

茲山吳之望云是故宮址再為佛子廬今亦莽荆枳仲  
秋巖壑清日暮岡巒紫浮圖自孤撐斷碣仍礙屐繩牀  
懸石室空庭蒙葛藟四山出重雲颯颯林飈起缺月深  
韜光慧燈照渠几談禪謝觴酌空門遠塵軌相與證無

生夷然忘所履寂寂此巖阿昔被明光綺二井苔蘚封  
俱曾照西子慨念今古人榮華若流水

轅駒歎

萬物有榮瘁修途多險虞櫪上曾稱駿轅下反為駒哀  
鳴望顧盼主人思不殊不更騏驎駕乃與駕蹇俱流沙  
千萬里秋風苜蓿枯夢想燕然山追逐大將符皮相亦  
何憑骨立亦何圖儻再賜鞭策猶堪任馳驅

林鶴篇



晏坐寄玄覽感物生遐思有鷺在梁飽有鶴在林飢所  
處雖倒置鶴也安足悲逍遙寓空谷還與叢桂期一鳴  
聞九天其子能和之夕可飲沆瀣晨可餐靈芝馭彼王  
子喬白雲同差池回視在梁者齷齪亦奚為

采菱詞

菱角何纖纖菱葉何田田鴛鴦與鸕鶿對對浮清川采  
菱白晳郎蕩槳後復前偶逢西家妹隔浦來采蓮嬌容  
入花亂素腕隨荇牽要住語綢繆風動裙帶偏采采忘

采角但米葉在船贈我雙蓮子庶幾不空還

織錦曲

織錦置新機當窓取石文今日織一絲明日織一絲離  
居日閒閒何為織遲遲良人隸材官賈勇能褰旗微功  
上幕府拜爵及春時春時好衣錦此錦正相宜金紫色  
照耀麒麟光陸離看君身上服稱妾心中期

三月三日

元已晴旭麗吳趨土風嘉芳甸古茂苑離宮昔館娃良

辰動水嬉錦浪被清涯士女嬌容服顧影生光華綠幘  
吹參差紅袖擁琵琶濯濯春楊柳灼灼天桃華相謔竟  
何贈芍藥萌紅芽少年扶醉歸青樓明月斜

### 山中遲客

朝暾散深谷宿莽互氤氲松露猶綴珠高霞自成文晞  
髮凌青壁嗽齒度碧瀆忽見衣領上英英生白雲不負  
黃鵠期眷言滄海君同心挂纓組折簡聊相聞東山遲  
安石蘭亭要右軍遠駕如惠然清暉良可分

聽春鶯

黃鳥出幽谷差池翔南枝春風鼓其舌如奏竹與絲綿  
蠻雜繁調睨睨多婉詞于飛不肯隻顧影若有思良時  
不易至好音難重期公子正邀歡佇聽自忘疲芳宴洵  
足耽杯到安能辭

觀朝雨

南樓望遠道春雨江上生既灑鳩鵲觀復集鳳凰城散  
水幻圓影添瀑作碎聲絲絲元不斷藹藹一何輕宿霧

暗洲渚朝隰莽蒼屏柳條鬱如結花露泣以盈美人期  
不來愁緒逐浮萍

獨遊

晚出白雲軒來過青蓮宇翩翩曳短裾不挂塵中組原  
草生芳萸飛花滿桑土獨鶴先我行南山遙為主莞爾  
聽鳴禽不覺逢漁父共笑松生懶好鍛對環堵何如今  
日游春風采蘭杜

獨酌

栖栖不得志春到罕芳宴偶有一壺酒獨酌聊自遣公  
榮曷與焉嗣宗無由見東風川上來入林墮花片黃鳥  
乃有情睨睨還相唁古人功名會成敗忽如霰何事龍  
門生不立醉者傳

桂樹

桂樹何蒼蒼不生桃李園久滋潁川水遠託箕山根離  
立不成林偃蹇何所援商山采芝叟無端去乘軒楚臯  
佩蘭者不返湘江魂何如老此樹終焉絕塵喧小山空

有招白雲竟無言

箕山

家住箕山下來往唯白雲若無巢許輩此地誰為羣茅  
茨蔽風雨琴書辭俗氛庭前喬松樹徙倚忘夕曛段干  
過於避介推何至焚良友將遠適安車與玄纁人各自  
有志不遣北山文

越溪莊贈主人別駕

主人少游俠五陵裘馬人中歲狗寸祿十年苦風塵不

金匱要略卷二  
調歸別業依然舊松筠百株植牆下二頃在湖濱綠水  
青山區何減桃源津長者多論交載酒無冬春我來住  
高齋不櫛亦不巾信宿恒忘歸常時如避秦子猷雅好  
客安道復情親不然興已盡何事獨留賓

春日湖上

少歲慕榮名中道嘆維谷卓彼白髮叟招我紫芝曲匪  
直謝簪紱茲乃脫羈束萬事不挂念一壺存所欲杏花  
前村開春水五湖綠倚棹看鳬鷺紛披波間浴夕陽忽



下嶺行雲渺相續莞爾會心處寤寐向誰告清夜夢故  
人居然建牙纛容或酬彼志吾且知吾足

夏日寒山寺旭公房竹下遲王生不來與劉生飲  
野寺晝寂寥獨鶴當門屏陰陰古牆下一片綠雲冷夕  
照上高檐空翠落潭影如何炎隆時有此清涼境入林  
無所事匡牀據高枕不見子猷來便與公榮飲遠抱託  
長風孤懷自耿耿心契靜者因跡向寒山并鳳鳥負遠  
期崢嶸悲促景百年幾何時日日須酩酊

圖山朱都尉過訪留宿草堂中夜不寐情見乎詞  
有客江上來柳下住雙槳身白儼如瓠巨口仍廣頰相  
見懶長揖落魄魄高陽黨呼兒且沽酒把臂坐草莽十年  
交自傾片言心覺爽明霞四散飛長庚獨先朗蝙蝠撲  
檐間熠燿行草上涼風西南來刺刺枝頭響下榻不能  
寐空庭共嬾仰慷慨醉中言何時起李廣

七月六日同王瞻美曹子念飲豹孫書屋

大火忽西流涼颼起江沚蕭散據匡牀脫帽仍解履高

梧障重檐短牆蒙葛藟一室無數椽長風吹萬里彷彿  
坐陰崖來接巢居子旋開竹裏厨言鱸河之鯉南阮本  
不饒留客乃如此曠適林中賞逾覺貧交美何事慕貴  
游汗流恒竟趾所以蹈海人棄之如敝屣

七月七日集周公瑕鑒止堂坐同謝尉徐生

公瑾雅好客醇醪具芳宴正及牛女辰嘉會擬霄漢風  
流推謝安才情見徐幹共有青山情頗悅白衣宦雕俎  
一何繁羽爵行無算綠藻錦鱗游朱欄柳絲亂雖未列

歌鐘清音起松畔仰見纖月來同彼雙星燦悵別經一  
年留歡無兩旦人生聚會難感之發長歎

中秋初度有感二首

乙亥

華月升高檐廣除步靡靡百年幾何時繁憂徒萃止結  
髮事遠游軌路多荆枳九折悲覆車皇皇旋舊里猶存  
臨卽壁欲探於陵里苦竹善釣衣扁石恒礙履崔嵬穿  
我巢谷風漂我壘哀哀慈母傍怨慕羞稱子脫粟尚弗  
充何言甘與旨值此劬勞辰乃驚犬馬齒四十無間焉

云何不遄死

遄死復何恨  
頰仰若有牽陟岵  
履宿草背養已十年  
高壙良可營  
屢空徒遷延  
巢中有三雛  
參差齊父肩  
無食又無衣  
抱影各孑然  
久凋王生栢  
未見原公阡  
何有禽慶約  
期了向平  
緣吐吐計安  
出有淚如流  
泉況乃鮮兄弟  
煢煢殊可憐  
但苦嚴霜飛  
何知華月圓  
泌水衡門下  
且草子雲玄

送何都尉之汀漳

何生少精悍持已能不泄孫吳一萬言瀾翻在其舌三  
謁明光宮曾進治安說結束趨轅門老將同為列班生  
筆已投終軍繻久裂量移守閩嶠鼓行向毒熱封狐吐  
妖氛長鯨噴晴雪海色多溟濛將星獨昭澈不然守樂  
土何以見奇節

述懷寄高郵賈生

昔與子周旋攬鏡頭俱黑今與子別離鬢邊絲堪織黃  
鵠畏網羅紫燕悲伏櫪自顧無蛾眉衆女空見嫉執戟

揚子居門卒梅生職遲迴陟羊腸  
踟躕棄雞肋徒步出北門  
雨雪霏霏濕偶逢淮海人  
問子近消息惆悵弔長沙  
賈生在胸臆

送客之楚

草木黃且落陂岡縱復橫  
颯颯陰風吹繁條折不鳴  
迢迢暮山上日沒寒雲生  
去魯非其志遊梁竟無成  
栖栖何所之言涉湘與衡  
還將送君淚寄弔古屈平

志別

祖道一尊酒涼風江上生  
楓林一葉丹秋動千山  
聲星離越溪水雨散吳  
王城我昔游燕趙居人  
送我行今我亦送客酒  
盡淚欲傾乃知送我者  
掩袂多至情

樓居二首

仙人好樓居吾亦厭卑處  
結構倚遙岑鴻飛終遠舉  
樛木蔭白日流水縈蒼渚  
何必涼風來孤高自消暑  
空山正閒寂蓬門遲支許  
雲霞几席流嗒然無一語

余生不偶世塊處空山久  
木末出岑樓青旻一揮手  
高



雲翳我裾明月入我牖坐見松樹陰羣然麋鹿走鄭真  
谷口鋤梁鴻廡下白外是無長物留巾漉美酒

臥疾四首

抱疴臥中園掩關白日靜坐見凋蘭芳秋風忽淒冷蹇  
蹇披羊裘徙倚望前嶺為愛孤松枝時時逗雲影

與山夙有緣因病轉無欲僧齋聊臥起散髮何須束偶  
采芙蓉花悠然出林谷秋風湖上亭蘼蕪飛屬玉

行藥至山館麋鹿相為羣草木吐精華宛如刺繡紋微

雨日暮歇南岡生白雲何時拂衣去長揖滄海君

朱槿日暮凋玄髮秋時落傲骨何嶙峋習懶那可藥采  
彼石上芝引此林中鶴一室誰晤言青山謝康樂

恭謁先世祖榮祿大夫都督公賜塋

墓在杭州  
毛家埠

吾祖從靖難功成受虎符鎮越佐五朝將星東南殂先  
皇為悼惜賜葬茲山隅屢諭藩臣祭碑版耀西湖雲仍  
錫帶礪百世衛姑蘇邈矣七葉孫賦性一何愚不能挽  
強弩但欲事操觚歷官已廿載落魄儼腐儒同儕貝錦

張親戚從擲揄何令彼譖人猴冠而當塗不望印累累  
其如錐也無僅存三寸舌終愧七尺軀偶來此行役聊  
復薦萍蕪石人衣薜荔宿草莽故墟撫膺一長慟灑淚  
栢為枯悲風起夕陽愁殺夜啼烏

### 親舊詩六首

丙寅之艱不肖不能從地下以死也而強活人  
間榮榮在疚終鮮兄弟所賴二三老成人耳提  
面命以寡悔尤於萬一也天不慈遺不五年而  
長逝者六人矣爰思其人各系以詩頌美儀刑  
以當慟哭今而後吾知唯有  
曹顏遠之句以貽親舊云爾

外父王選部祿之

泰山儼具瞻匪直頌師尹一出秉銓衡中外作標準朗  
月照浚谷清泉流泯泯抗志圭組輕蕭然巖壑盡甥也  
館於室耳提謝不敏典謨日佩訓風雅時援引所至恒  
愛護恐為友壻窘不減慈父恩長慟德星隕

舅氏陸文學恒若

江東著偉姓太宰邁常倫勢可移山嶽位已無人臣一  
朝被蜚語朱戶生黃塵孫子余舅氏青衿甘食貧磴磴

守經學湖鄉少四鄰時念同胞姊扁舟入城闔澹泊不  
飲酒慰藉多苦辛長逝渭陽水愁絕慈闈人

先輩楊中丞子任

楊子青雲彥屢出佐明后昭毅昔論交垂髫至白首樹  
德於其躬莠言不出口閩海同分符閩藩並結綬堂上  
考大呂幕下問小友春顧成綢繆迺與締孫偶尺書付  
浮沉竟執富兒帚感懷著斯章冥冥非吾負

通家陸有道叔平

吾祖邁明德結客豪長者平原秀士衡正始翼風雅忘  
年締密交少歲荷陶冶潛盤西山阿偃息青雲下皎然  
白雪鬢照茲綠玉掌明月投入懷幽蘭分滿把對我欸  
歔言老矣汗血馬耆舊不愁遺淚向寒泉瀉

友人顧貢士從化

顧生一經生而亦喜任俠閭巷弟畜我倣儻無嚅囁能  
射魯連書不問樂羊筐並載西園游聯鑣南山獵痴絕  
虎頭生袖斷如花頰青春容易擲白髮最難鑷長安失

意歸宿草飛黃葉尚憶平生言獨挂芙蓉鉞

從叔隱君士揚

昭毅營東山羣從從之游第五足清曠居然隱者流曾  
不問生產乃與兄子儔把臂同入林酒池日拍浮自為  
鸚鵡舞間作竹枝謳行樂堪永年達生宜白頭門戶正  
衰謝斯人不可留咸也矧窮途攬涕何時收

北游詩十八首

捧檄偶然作

幽居謝鞅掌披雲臥高岑門有車馬客投以天上音呼  
兒拭我弁攬鏡整我簪薄言辭故里于役越江潯負米  
願良違輓粟力不禁斥鷃安卑枝匏瓜戀舊林夷險昧  
所履倚伏還相尋儻來忽如寄患得非吾心蓄無非常  
寶敢羨縱橫金養真尚寂寞允為達士欽

北游留別陽山顧願

顧生言志高乃住卑猶山常來訪屠博悲歌游市闌葛  
巾一角墊長裾其色殷蹇步上大堤桃花在窓間袖裏



金錯刀換酒良不慳寧待飛青霜坐以凋朱顏皇皇脫  
長劍送我西入關贈處兩不語流涕各潛潛世無四公  
子棄客如草管間有魏其侯聊可與往還

渡江

吳國渺何處江流萬里長布帆渡瓜渚青山障朱方颯  
動高天風吹愁還故鄉戍樓當落日飢烏野田密徒御  
步不前行李何蕭瑟欲問淮南津就飯水邊驛敢效祈  
父言胡轉予于恤

泊廣陵

晨發揚子渡暮泊廣陵城水部正閉關落日興梁橫雜  
踏估船來吳儂與楚僮野市亂燈火恰如蜩蟬鳴對酒  
愁不語何處琵琶聲間道往從之青樓明月生自笑高  
陽徒潦倒江州情

次淮獻河陽大夫

經國有大計不外兵食足輸輓類用兵所貴在神速王  
程固有嚴宵弁何為督嬖童好如花樓船大於屋行樂

江以南赫奕朱為轂盛夏方渡淮黃河變平陸粒米乃  
狼戾度支更約束簡命旬宣臣臨水建牙蠹八月造舟  
楫十月運新穀哺乳百姓親挾纊三軍燠況乃抱遠略  
道海通山谷廷議旌行能璽書動盈幅偉哉轉漕功不  
使蕭何獨跣門下士勉駕鹽車軸期毋負知己良友  
時相勗

涉河

大河合淮泗奔波若傾倒一瞬下千里風帆疾於鳥我

行逆其流尺寸竟昏曉丈夫託蓬根世事茹蓼窮途  
已倦游况復苦秋潦攬挈黑貂寒西風吹人老

清郡館鄭丈

驅車入郭門故人門挂席客子流離來執手長歎息虞  
卿屬欲穿侯生頭盡白樂與朱家游諱言趙邸客大損  
賣文錢沽酒日盈百任俠今寂寥此有鄭莊驛

濟上聞笛

孤笛江上起片月隨江流臨風曲不斷韻水何悠悠楊

柳折欲盡梅花落更愁寒鴉散浦溆殘葉飛空洲楚客  
正獨醒間之增繁憂

七月廿四述思

涼風吹原隰澹澹黃雲生值此流離時難禁陟岵情長  
慟高堂觴言薦溪水蘋未始睽諸夢常若見於羹更念  
倚門者蓬首雪盈盈

德州逢劉原檢

公幹吾密親邇來行色壯得意曲江遊十里紫絲障折

得杏花回春雲在衣上南歸銜使節樓船晚相傍明燈  
照衛水涼風來青嶂宿雁語沙中纖月翻層浪對酒問  
前期彈冠豈虛望從此舍章句即可取卿相畫錦君多  
榮奉職我無狀清時好策勲努力無遺忘

潞河客舍

歲晏衆芳盡朔雁江南征遊子何不歸流離薊北城陰  
陰土牆下風吹枯桑鳴黃金與白髮此盡彼則生進退  
歎維谷且問嚴君平

題長安主人壁

漕吏何為者日與倉漕伍長安半月遊黃金散如雨乘  
月謁私門帶星候公府杯酒槩可親肝膽誰能吐勢利  
無石交斯言徵諸古

燕京寄上海朱邦憲

北風揚塵沙玄陰片時結客舍寄如磬羈身但存舌易  
水寒不流西山欲飛雪夢見田先生恍與荆卿別擊筑  
苦無徒悲歌夜不輟我友蹈海生圭組久不屑游於酒

人乎而乃好奇節因救季將軍朱家心屢折吾豈有黃金尊前為君設所以窮時交古人多激烈

結客行與晉陵吳生

韓魏饒奇節齊楚多辯智經學不足謀結客非聲利一言可借軀萬乘寧奪志虞卿急窮交敝屣卿相位田生恥人疑對客刎何易豈為顏面情諂笑取容媚吾友延陵生獨抱千古意昔我困姦雄三年雨下吏鄒陽不上書張儉身何寄良朋每永歎維子憂心悴不有匣金來



徒令懷壁墜谷風世道涼浮雲然諾棄長揖謝斯人激  
烈尊前淚

塞垣行寄嘉禾朱尉

衛青屯上谷連營肅旗鼓五道出將軍弓高與强弩繫  
其賢王歸奇功不堪數坐擁武剛車帳下式歌舞李廣  
不得意上簿至幕府是豈戰之罪拊心良獨苦朱生蓬  
蒿人掘起自行伍浮海斬呂嘉英略無千古功奇禍亦  
奇十年檻中虎長劍雖崩緱猶堪賈一怒丈夫身不死

塞垣報明主

少年行調長安客

結束何翩翩相逢洛陽陌  
流水照清揚春風披綠幘  
儼然傳脂粉相傳化閼籍  
羞稱霍家奴云是館陶客  
歌舞誰不憐婉媚莫可逆  
沾沾喜任俠黃金得還擲  
珠因彈雀損錦以鬪雞  
圻而多青樓期欲起身無  
百且與酒人遊暫入蓬蒿  
宅枕藉唯衰衣何有一縫  
掖

留別京邑友生

杖策長安門言別長安客何為曰歸時翻使旅愁迫俠  
游多酒人祖道臨南陌馬蹄雪中花車輪冰上迹再歌  
毋庸歸樂酒暫今夕長劍挂左驂白虹走前席荆玉罕  
人知勸吾寶燕石

汶上阻雪

我行阻徐方日夕望吳國積雪覆臯原千里同一色門  
前偃柵橫屋際孤烟直黃河水正堅芒碭雲來黑狡兔  
潛以伏飢鷹竟何食客子煨枯蓬主人春殘稷何日見

金匱要略卷二  
朝陽肅彼南歸翼

卷二

伐檀齋集卷二

欽定四庫全書

伐檀齋集卷三

明 張元凱 撰

七言古詩

金昌篇

青山浮震澤紫靄凝滄溟  
既庶古吳邑有美金昌亭  
金昌亭子碧城趾傍臨大道  
平如砥象緯臺窺萬雉雄閭  
闔門開千片綺垂陽繡陌春  
載陽芳草朱橋滿路香甲

第連雲巢翡翠人家臨水撲鴛鴦玉樓天上近金屋民  
間藏穠彼桃李葩映此鸚鵡觴茂苑鬱蔥蒨胥江艷花  
月麗藻飛彩毫芳塵襲羅被清歌鳴鳳舞驚鴻寶樹瓊  
軒樂未窮芙蓉散亂妝臺錦蘭麝氤氲步障風桂醕浮  
波玉為饌高堂屋壁金珠綠雖非戚里與皇家萬戶千  
門爛若霞玉帛南鄰耀皎日簪纓北里生光華清時富  
貴偏多暇少歲歡娛晝為夜宅中歌笑盡金張座上風  
流總王謝澤國無煩擁畫輪吳儂飛楫浪如銀湖舸載

將西子去渚花開作館娃春蟬髻宮雲薄蛾眉山月新  
為雨乍逢情易合傾城再見價難論由來金谷明珠賤  
却笑臨邛綠綺貧迷花醉月靡年載相逢賸有朱顏在  
長風可破月可拾直欲揚舲泛滄海滄海回波不復來  
拂衣高眺吳王臺吳王宮闕莽難辨棘荆麋鹿令人猜  
棹歌猶唱烏棲曲百花洲上蘼蕪綠一川春雨鷓鴣鳴  
鷓鴣聲裏年華更身世隙駒影富貴草頭露萬物不可  
齊士也何須遇園有桃歌且謠半生落魄無推擇大塊

與爾同逍遙長饒朝過買臣里短衣暮上伯通橋舉案  
徒自恭廡下竟寂寥不挂會稽章空老吳門樵

匣劍行

生長夫差國家住專諸里鍛鍊昆吾成一匣明秋水秋  
水泠泠聲遠扉淒清中夜蛟龍歸空廬獨抱朗月臥高  
天颯動霜華飛提攜神物無人覺何來白虹常在握鋒  
芒衛霍耀天山精靈荆鼎傾河嶽結客紛紛向五陵呼  
盧博采且浮沉寧輸百萬留三尺懸在腰間酬寸心



鶴新淬光如彗照見人間不平事玉玦金鏐日日閒匣  
中一掬明珠淚嚴城吹角秋夜清風淒月肅鄰雞鳴擊  
衣起舞欲拔劍無乃歲久青苔生莫邪空老無人齒世  
人共寶鉛刀耳幕南塞北行路難酬恩報怨竟誰是淪  
落沉埋一薊絳恥將彈鋏動諸侯豐城不掩干霄氣越  
石何嗟繞指柔

對酒歌

宇宙自萬古人壽無百年我生之前漫無紀我生之後

殊杳然中間百年何太促始覺人世徒堪憐況乃寰區  
受羈束曷能蓬海求神仙幸有金閨醇酎美一斛不直  
三千錢沽來快飲日不竭賴茲薄祿如流泉清者可中  
聖濁者可中賢伯雅或在後季雅或在前公榮不擇儕  
輩飲季倫欲就鄰家眠君不見花開枝上何娟娟春風  
吹落隨寒烟又不見雲行空外百態妍須臾散盡蒼昊  
天玉山常傾倒桑田任播遷胸臆從教塊壘散形神自  
爾魁梧全一日可兼十日飲百歲能當壽一千始信壺

中有日月不與人世同棄捐沉冥至理久自悟糟丘為  
我生青蓮

東覽篇

出門鮮徒侶看山過東越身披荷芰衣來渡琅玕筏會  
稽之郡藏雲中海嶽靈區第幾峰千巖萬壑望不盡一  
一秀出青芙蓉溪流漱石噴晴雪山水清音相映發林  
間吹落蘭亭風松下飛來鏡湖月石暗花迷失去津禽  
魚鳥獸能相親崢泓蕭瑟不可測此中疑有箕山人蒼

卷三  
旻為棟雲為幕禹穴幽奇可棲託絕壁巔屹嘯夜猿逍  
遙夢見騎黃鶴清晨晞髮凌高臺風吹飛花去復來旭  
日如珠走滄海赤霞為駕驅天台方丈蓬萊今可至居  
然便有凌雲思金宮銀闕何必求一丘一壑隨吾志君  
不見東山高臥支許從揮塵玄言若可終又不見芳辰  
板楔臨清池茂林脩竹堪忘飢謝公勉為蒼生出十年  
閒却登山屐右軍自失王藍田歸來誓墓意惘然二賢  
信是人中龍霖雨當時仰望同考槃一室已千載至今

林下生清風偶然得失未忘念令人却羨雙冥鴻

春遊篇寄晉陵吳生

窮愁逼逼空歎息遠遊冠在猶堪拭伯通橋下春水流  
布帆一幅千里遊芙蓉湖波綠如染罨畫溪頭山幾點  
花明月白不知夕髣髴扁舟重入剡舊遊曾識延陵生  
莫逆窮交一步兵且作平原十日飲安事夷齊千載名  
寂寞圖山老都尉遲我碧桃花下醉錦江春煥浪俱香  
赤城霞流山失翠金焦遙作兩青鳧水面飛來撲玉壺

萬里長江限南北令人長憶孫伯符燕子磯頭燕子飛  
鳳凰臺畔柳依依看花偶入長干寺策杖還須到翠微  
荷衣脫下白紛紛盡是鍾山松上雲辟支洞口金光草  
兜率巖中寶藏文攝山自古多靈藥歸來始踐徵君約  
悠然置我丘壑間高吟梁父驚猿鶴吾笑殷中軍廢後  
書空竟莫聞又歎阮遥集一生當著幾兩屐此身不帶  
封侯骨竭來幸有烟霞癖黃金朱芾求不來白雲青山  
隨可得不因未了向平緣五嶽追尋孰我先知君亦是

沉冥士寄此春遊汗漫篇

放歌行寄長安舊遊

碧桃落盡青春老黃金不鑄朱顏好男兒策名須及時  
衰遲徒遣憂心擣少年投筆欲邀勲西入長安謁聖君  
公車不獻長楊賦都邑先傳喻蜀文朱門先達如疇昔  
留驪得接夔龍席鳴環振珮聲鏘鏘瓊筵寶幄樂未央  
暫同良夜醉鸚鵡期共清朝儀鳳凰輝光草木俱生色  
假使白頭還可黑意氣如山不易傾立談元可取功名

借筋畫成扶漢鼎  
箭頭書去破聊城  
居閒然諾良無負  
彊灌能勝一石酒  
藩車日赴孟公期  
金錢夜作爰絲壽  
駿馬花驄白玉鞍  
濯龍鳴鳳近金鑾  
英盼自堪回絳灌  
雄圖非為斬樓蘭  
得意能將知己酬  
此心未始羨封侯  
一言不合拂衣去  
五陵遊俠還相許  
關雞走狗出長楸  
安能咄咄書空語  
自是當時桓茂倫  
歷落嶮崎可笑人  
今日低頭在草莽  
放歌一曲千山春

觀舞篇



春宵曲宴通蘭房亭亭玉樹生夜光繡幕遮風銀燭定  
紛紛妓樂俱成行中有燕姬善楚舞當場可以掌中舉  
翩躚喜曳鮫人綃柔弱纔勝翡翠羽應節依歌不自持  
疾徐宛轉能擅奇明珠盤裏相錯落驚鴻天外來差池  
徊翔素腕飛香雪虛空屢頓凌波襪五尺芙蓉搖綠波  
一片輕雲蕩明月顰容慢睇如有情步搖條脫斷續鳴  
公子歌謠惟燕燕佳人名字只卿卿舞罷低回整金鳳  
矜嬌顧影嫌釵重羞稱十五嫁王昌登牆三載曾窺宋

漫將長袖拂芳塵自是行雲行雨身恍惚高唐夢中見  
敢云平視甄夫人

聽曲篇

綠窓窈窕通明月朱絃奏罷何疏越燕姬艷舞方具陳  
鄭女清歌相對發玲瓏宛轉遠翠屏梁塵颯颯花冥冥  
師傳翻使驚協律心妙直欲追秦青已聽泠然振林木  
復聞餘響流空谷將無哀樂動人心蘇門之嘯秦庭哭  
當筵但見春融融無限玉樹搖東風周郎欲顧曾無悞

延年女弟徒稱工新聲能令舊聲變貫珠不斷危如線  
偶覺淒清拂黛蛾時為掩抑看團扇畫棟輕雲夜不飛  
鳳凰肯逐簫聲歸但憐白雪知音少豈是紅妝絕代稀  
雲鬟零亂歌纔闕東方欲明銀燭滅淳于一石自沉酣  
不使冠纓座中絕

醉道士歌題弇山園藏卷

列真之宇太微宮碧桃千樹吹春風相逢盡是餐霞客  
翩跹長揖壺中公壺中跳入杳無際金臺銀闕非人世

玉液涓涓瀝作池黃流泯泯傾如注式歌有酒旨且多  
三三兩兩朱顏酡漫笑真人能服煉誰知老子亦婆娑  
髣髴步虛行復止曲肱聊隱烏皮几背癢欲倩麻姑搔  
覺來失却王喬履牛飲鯨呼總易醺牽裳濡首亂紛紛  
拍浮倒蹋瓊科案酩酊那開蕊綴文土木形骸恒佇立  
手持玉笛吹不得平頭奴子力不禁扶攜踉蹌將安適  
浪遊五岳窮三山聯袂盡是桃花顏絳河迢遞誰相待  
上元夫人名阿環會時不問胡麻飯解醒五斗何足算

牽出青牛欲倒騎黃冠欹斜白髮亂此中玄妙識者誰  
仙藥元從麴蘖遺披圖展卷心自醉頽然此輩真吾師  
主人謂若幸無負我且斟若以大斗倘畫當年醉步兵  
江東張翰應居首

婁水行訪曹子念作

湖頭暫借漁艇子春風吹過碧城趾具區初月挂吳山  
滄溟紫霓含婁水夜潮忽漲楊柳陂片帆却向桃花駛  
眠鷗宿鷺驚且鳴棹歌不斷欸乃聲中流聞雞曙星耿

落花飛出海，上城停橈未入琅琊墅。寒裳先過曹丘生，  
蕭齋兀爾枕書卧。烏皮一几青氍毹，破問我經時何不來。  
袖中遮莫有七哀，大笑吾生太痴絕。病腰猶為五斗折，  
屢蹶霜蹄不知止。儀也直欲亡其舌，丈夫雄心誰則知。  
吁嗟有志無其時，公榮未得即濡首。匡鼎相逢且解頤，  
放歌一曲情無賴。君自芝蘭我蕭艾，陳蕃有榻空梁懸。  
解來徐孺眠花前，聊伴曹生日擊缶。洋洋風雅銜在口，  
綿蠻不作吳儂言。喑啞能驅小巫走，一斛珠璣錯落明。

儼然分惠盈五斗吾還怪爾愛獨醒酒人只在弇山亭  
邇來不飲真寂寞縱酒無愧天上星借來艇子且教去  
平原十日須沉冥

謝都護歌

謝侯少歲學擊劍手綰飛虹腰掣電術精乃去學兵法  
戰陣鉦鼓靡不合被命造舟永嘉山長鯨道遇手自搏  
幾欲論功登將壇落落不偶空據鞍閱世榮名何足齒  
閭巷沉浮聊爾耳短衣射虎姑蘇臺閉戶鑄劍干將里

買得桃花一疋駒騎來沽酒金閨美世人失意汨汨憂  
美君能自沾沾喜為嫌偪促城之舍新開別墅虎丘下  
窓中亂撲青芙蓉竹樹蕭蕭遶臺榭俠遊酒伴慣住船  
聞雞走狗都翩翩春草射麝秋放鷗相逢欲賦子之還  
座客恒滿能擊鮮人各取醉斗十千雖無銅山擅鑄權  
囊中不乏子母錢吁嗟燕頤頭未白黃鬚森森尚如戟  
江南秉鉞旬宣臣舊是永嘉來往人即今推轂易為力  
功名轉眼能自新勸君努力報知己匣中毋遣神龍死



君不見余也十載傷羽毛身同鷓鴣困蓬蒿提攜拂拭  
竟誰是哀鳴日夜徒嗷嗷於戲男兒四十不能自附青  
雲豪尚爾坎坎坷骯髒沉下僚贈君短歌還自嘲

短歌行贈王四丈瞻美

男兒何必紆朱紫但令布素恒如此又何必侈金帛所  
貴人生在意適琅琊羣從鸞與鳳上林太液紛翺翔第  
四偶然戀桑梓羽毛楚楚口吻香白眉未嘗結青鬢未  
遽霜海燕雙棲遠梁語芙蓉一照滿鏡芳千金鵬鶴裘

易解日醉鸚鵡杯難忘司馬纔遺中人產對人無奈多  
青眼沙田種秫久不登座客猶誇識信陵平生倜儻無  
嚙嚼沾沾聊自喜任俠余生落魄數數奇十年歸隱南  
山獵無端痛飲白玉漿有時脫贈蓮花缺每承然諾肝  
膽傾豈是論交在眉睫躋彼弇山堂友于花萼尊俎光  
再過婁水宅彩衣戲舞娛頭白人見頽然醉花月不識  
人倫自爾能昭揭人見生平曳紈綺不識窮交可以託  
妻子谷風再賦友道涼吳儂情逐雲飛揚三秋門前正

羅雀一卧肘後生垂楊不有君來破岑寂翟公自署徒  
慨慷眼中石交竟誰是酒酣擊筑天蒼蒼

江風行與朱圖山泛樓船作

長江萬里吹天風將軍置酒樓船中樓船忽奏軍中樂  
無乃黯慘蛟龍覺山川出雲歷亂飛疾來掩我白日暉  
中流洶湧俱辟易人謂如此將無歸將軍自是湖海客  
神氣自若催挂席浩蕩洪流欲挽回崩奔巨浪能衝逆  
淵淵徐起回風撓長驅直指扶桑涯蜃氣氤氲辨城闕

鯨波蹴浪翻空花分明棲息匡廬下碎瀑飛泉明月夜  
恍惚窓牖峨眉端雪片紛紛六月寒須臾暝色垂垂黑  
前隊戈船左右翼咫尺蛟龍欲扣舷夜光那向懷中匿  
壯圖寂寞何為乎余亦從君擊唾壺老驥能思千里不  
百萬猶供一擲無人壽河清不可俟富貴不來行樂耳  
世間多少弱男兒覓人顏色沾沾喜曾憶長江牛渚邊  
溫嶠焚犀夜放船英雄志業莫可測酒酣拔劍心茫然  
塘上行逢友人顧願作

吳宮二月鶯啼亂金閨柳遊子長安歸春風吹鷓首鷓  
首重重桃李花楓橋塘上故倡家綠水依然遶阡陌青  
樓忽聽彈琵琶琵琶聲出垂楊裏李延年家高髻姊自  
言有客深自藏落魄江東虎頭子拍浮濡首酒池中何  
為染指阿房美平生痴絕將無同我輩鍾情乃如此相  
逢不賦子之還對酒高吟嬌女篇興來不用常杯酌其  
奈囊空無一錢君不見馬長卿臨邛一往有深情又不  
見阮仲容鮮卑之婢累騎從嘗聞古人貴達節區區禮

豈為我設少年行樂須及時飛花轉眼紛如雪還惜昂  
藏一丈夫憑陵嘯傲高陽徒麟閣榮名常在不首陽餓  
死何為乎

月下渡淮歌與馬孟李三都尉舟中言懷

日落淮水黃月出淮水白水流向東南客行自西北辭  
家見月兩回圓長路悠悠始一千簿書期會如束濕卒  
史胥徒橫索錢索存無底空所有但見三星恒在留身  
世漂零只酒尊涼露淒蟬動高柳從事諸君盡棄繻金

堤赤岸爭先驅吁嗟百萬任狼藉何事囊粟號侏儒吾  
生一飽了吾願坐看鷦鷯飛不遠馬控龍媒自有人門  
藏金穴曾無援久擬山中賦考槃何然燕壘巢其端漆  
園傲吏日偃蹇竹林酣士多摧殘夜深月照蘆洲寂樓  
船有楫何須擊最喜黃頭善撻撻况邀白幘能吹笛淮  
陰黯慘生悲風座中杯酌莫教空若過韓侯釣魚渚便  
為長跪酌英雄

遊吳山醉歌示越中同遊

吳人浪遊越越山舊名吳山窈窕如畫圖芙蓉亂撲  
城之閣雲英不遠紫微省杏花偏近黃公壚解衣貰酒  
獨感慨還上高臺聽鷓鴣鷓鴣不為啼春雨似訴吳越  
興亡語般樂夫差首已濡憂勤勾踐膽能茹偶爾憑陵  
一跳梁畢竟山丘共首鼠草上同飛望帝魂宮中曾獻  
捧心女吳山越水春融融吳王越霸歸東風白駒度隙  
促短景朱花散綠成飄蓬乍來一笑已陳迹茲山千古  
青無窮即今簫鼓錦城樂但識屏翰皇圖雄吁嗟黃金



不買綠酒醉何乃憤憤人世豈不聰

錢翁歌為磬室山人壽

錢翁不是蓬蒿人自稱吳越諸王孫布衣不受緇塵染  
混俗能將白眼存棲遲陋巷蓬蒿翳抱膝長吟靡年歲  
家藏萬卷不知貧更倚丹青曾絕世巴江急峽巫山峰  
漢時古栢秦時松錢翁下筆無數點便覺烟雲千萬重  
長康安道名誰稱世情都無神自勝屢集常憎戶外塵  
蕭然一室如懸磬錢翁不滿五尺長意氣能飛千仞霜

等閒不受諸侯幣虛左曾持公子觴吾家都護弄柔翰  
風流寄興東山畔傍水新開燕子樓臨花高捲鴛鴦幔  
愛惜長干劉采春當時西第幾留賓坐中不少嚴夫子  
幕下常多郭舍人自是錢翁交莫逆春山花月同穿屐  
如今花落月西沉但見錢翁頭盡白黃公壚下莫經過  
吹簫山陽感慨多淒涼若問吳趨第四壁徒存一崔羅  
翟公門前何所有春風乍上新楊柳百斛金閨綠玉漿  
沽來且作錢翁壽錢翁七十意何如雲在青天任卷舒

他時倘畫通家子丘壑偏宜謝幼輿

鄭客行寓清郡贈中伯丈

仲尼老於行柳下援而止殊無懷土情鄭客乃如此鄭  
客吾鄉老縫掖不根嫚戲無推擇西遊落魄走邯鄲國  
有賢王虛左席日留朱邸曳長裾貴幸何須駟馬車但  
慮才高忌嚴忌誰言賦不如相如冠纓曾絕感知已錦  
茵醉吐花靡靡無端壓倒玉堂人只因換出金樓子內  
家日給買文錢外舍私為挑葉憐解將交甫明珠佩博

得文君綠綺絃秋風客散平原第齊東陋巷蓬蒿翳不  
無岳牧致苞苴自有州司能擁篲我來猶得稱通家相  
逢爛醉聽琵琶衛水清霜照明月鷓鴣裘映芙蓉花自  
言僅免窮愁逼無奈頭無一莖黑縱夢非熊入後車不  
如安載歸鄉國

吳姬行為四明沈嘉則買妾賦

吳姬二八顏如花翠帷珠箔藏盧家暫許春風吹裙帶  
未容燕子窺窓紗妝臺纔掩臨窓繡皓腕霜明映羅袖

蛾眉效月一痕新柳腰學舞三眠瘦瘦減腰肢似沈郎  
當年未許嫁王昌不識紅妝堪換馬但知綠綺可求凰  
遨遊忘草郊居賦江城花縣啼鶯路鸛裘時解茱萸灣  
畫舸偏經桃葉渡吳閭新水泛雙鴛麗藻文漪錦浪翻  
毫端幻出花千樹賸得嬌枝解語言含嬌含態情難說  
為雨為雲夢無歇巫山峽遠曹娥江裏王臺在禹王穴  
采蓮越女濕綃衣短棹穿花過釣磯瞥見吳姬不相識  
恍疑洛水神仙歸約開蓮葉隔花語為問館娃宮幾許

依依楊柳亭蘿村此是西家捧心處錯落明珠吐鳳釵  
陸離端錦合歡裁昔時越豔歸吳去今日吳姬入越來  
甬東山水蓬萊島朱顏綠鬢同偕老風流願比賀季真  
鏡湖春色年年好

蘇生行

蘇生縱橫客寂寞休明世尺寸無所成坐歎流光逝少  
歲曾為南粵遊尉佗推髻最難柔軍前長揖無數語遂  
令面縛閒戈矛歸來牛酒相慰勞上功幕府寢不報翻

然結客少年場五陵豪傑親除掃解裘猶剩千黃金偏  
置鴛衾與鳳簪好將陸賈平生橐結得徐娘既老心春  
明門外花如綺羽林緹騎佻佻子相逢大快共撝蒲絕  
叫狂呼盧與雉百萬常輸囊屢捐淒然擊筑夜無眠荆  
卿遠去漸離老孤劍寒風易水邊東歸骭髀身何寄數  
椽如綫鄰蕭寺短衣彈雀逐羣兒長鏡采藥遺仙吏看  
君體骨良不恒面如紫石何稜稜誰言山澤常如此忽  
有風雲或可乘男兒七尺須奇節黑貂何必愁鶉結陰

符一匣在牀頭莫使靈文久磨滅

短歌與一二僚佐登城樓作

吳鉤鏽澁不能鳴匣中隱隱青苔生  
高天九月霜華白草木黃落夫差城  
夫差城中誰作苦摧眉折腰在行伍  
父書徒讀亦何為投筆十年無比數  
藏活曾棲廣柳車沉酣屢謫西曹簿  
男兒骯髒安足歎世上紛紛鼠變虎  
衛青亦是主家奴須臾功成享茅土  
出無知己仕無媒不如將身隱屠沽  
丈夫空自羨雄飛今日登臨對落暉



滿目山川非異國仲宣何事淚沾衣

謝都護游山歌

謝家雅有東山興  
竭來許我才情勝  
少年有事弋與漁  
垂老無心負且乘  
春風滿地吹接羅  
青山綠酒堪忘飢  
雙艇移來疾於騎  
五湖便是高陽池  
林中排調日酣暢  
三春共蠟屐幾兩  
自是狂奴去復來  
至今痴叔猶無恙  
吳王臺館久棘荆  
山丘尚被吳王名  
雲興雨散竟何託  
雄飛雌伏徒營營  
君能於此了無累  
黃公壚下頽然醉

邇來喜怒誰得知  
褰帷且問如花妓

燕京夜雪篇

北風吹沙日無光  
北門寂歷鳴枯桑  
須臾暮雪飛陋巷  
蓬扉不開卧欲僵  
西鄰客子忽排闥  
蒼頭蹇步持壺觴  
恍如層冰甫挾纊  
又似幽谷回春陽  
何暇秦篝與齊縷  
不去彈棊共格五  
鄉語綿蠻自少文  
行酒崢嶸能用武  
因憶邊城雪作山  
崎嶇萬里玉門關  
冰連瀚海懸軍入  
凍斷交河探騎還  
以身許國寧憚死  
安顧裂膚仍墮指

今夜相逢杯酒間何如此輩沙場裏

行行且游獵丁丑九月作

少歲從軍出武威兜鍪日耀生光輝沙場大小七十戰  
數奇歸拚南山扉南山近有白額虎會須煩我大黃弩  
朝來結束過藍田馬如游龍轡如組入林黯慘路不平  
披開荆枳飛鳥驚亂石崔嵬壘如屋咆哮萬壑陰風生  
顧盼憑陵了無覺應弦即倒何須搏男兒本意重生擒  
飛而食肉良不惡甲賣弓藏一十年偶因射獵淚潛然

捫虱若談當世務白額豈在南山前頭足於今變冠履  
取民脂膏充簞簋假彼繡斧得橫行縛取貪殘猛虎獻  
天子

隱者詞焦山寄客

伯成耦耕耕且鋤務光避世世情無古來隱者不以帝  
王易何況區區趙孟三公乎山人顏唐隱者姿蕭蕭肅  
肅孤松枝紫芝黃鶴久不作清風朗月恒相思相思不  
可見遠隔江之湄不寄投湘賦唯吟招隱詩碧桃開徧

綠水洲山人猶在人間游富春磯閒海鷗下鹿門山空  
猿鶴愁諸侯筐篚不足貴天子安車何必求但須寂寂  
山之丘明月為侶雲為儔庶幾不愧乎隱者流

山人勸酒

灼灼桃花濯濯楊柳溪山窈窕溪流武陵人家猶在  
不柴門不閉春風輕山人衣上春雲厚相逢莫使青松  
疑世間盡用黃金壽原嘗春陵千載人嵇阮山劉一杯  
酒賤亦不足凌貴亦不足憑雪山有時煥溫泉或可冰

高岸為谷深谷為陵詩人豈欺我倚伏多相仍山人勸  
我酒旨酒清如澠漢家功業在天上吹簫屠狗之輩坎  
坷歷落來攀登

還山吟

還山吟桂花松子秋雲深山人還山抱孤琴空山猿鶴  
來相尋披裘何必登遙岑遠公自有東西林東西山色  
看皆美一入林中可以止土木形骸無所擬悠悠忽忽  
恒如此再歌還山吟朱顏俄受白髮侵還山欲俟買山

金無金終負還山心一瓢一錫且隨意許由巢父百世之上為知音

柳花歌金陵送客

吳宮濯濯春楊柳東風吹花滿渡口搖烟拂水總無關  
綴雪沾霜竟何有滄浪漫使塞人衣武陵亂約桃花歸  
自是青春留不住非因黃鳥蹴能飛芳草晴絲引江渚  
飄揚千里同君去遠游誰遣遲蕭郎風流展轉思張緒  
建業青山繞大堤女郎團扇撲高低往來不見臨春閣

且入長干送馬蹄

草閣謠戊寅夏志感


子雲草閣無數椽風雨不蔽何蕭然常抱明月巢其端  
歸鴻鳴鳳同翩跹何物黃狐變下遊雄飛雌伏將焉求  
狡焉日欲穿我屋何不爾思正舊丘長謠送爾歸吾自  
掩吾扉庭梧日徙倚山桂生芳菲

黃河客舍歌

杖策渡河來止舍河堤下衰柳當其門荒薺生在瓦中



有少婦能具餐舊襦掩骨餘雙鴛剝草飼我樞上馬牽  
藤挂我腰下韃客舍金錢真自惜那堪一祭壚頭言



伐檀齋集卷三